

足本
曾文正公奏稿
(二)

乙亥二月

杜就田署



曾文正公奏稿目錄

二冊

奏稿卷八目錄

- 官軍攻剿撫州迭獲勝仗摺（咸豐六年六月三十日）
水師連勝收復南康府城摺（全日）
贛州失守旋經克復摺（全日）
建昌攻城黃虎臣陣亡摺（全日）
陳明各路援師片
贛州解圍并攻剿情形摺（八月初七日）
湖州援師進攻瑞州府城摺（全日）
攻剿撫州疊獲勝仗摺（全日）
水師疊獲勝仗摺（同日）
專備岷壽赴江南并及江省軍情片
請撥山陝餉銀片
報瑞州援軍勝仗片
查明吉安殉難員弁請卹摺（全日）
圍攻瑞州收復靖安安義二縣摺（八月三十日）
邊錢會匪圍攻廣信浙兵援剿解圍摺（全日）
閩兵援剿建昌府前後獲勝情形摺（全日）

奏稿卷九目錄

- 請撥湖南軍火片
玉亮病故請卹片
李沛奎免罪留營片
瑞州一軍九月接仗情形摺（十月十二日）
撫州老營被賊撲陷摺（全日）
請饒廷選仍駐廣信片
請頒部照交黃冕勳捐片
請捐錢照湖南成案片
贛南匪勢蔓延請添調粵兵摺（十一月十七日）
謝湘鄉加學額恩摺（咸豐六年十一月十七日）
謝弟國華以同知選用恩摺（全日）
江西近日軍情據實覆奏摺（全日）
瑞州奉新攻戰情形摺（全日）
建昌官軍潰退摺（全日）
湖南援師克復袁州府摺（全日）
贛州州豐城等六案保獎摺（全日）

曾文正公全集 第二冊目錄

二

澗口等縣團紳請獎片

克復安福縣城摺（十二月二十三日）

畢金科軍進剿勝仗摺（全日）

劉于濤水師疊次勝仗摺（全日）

附陳近日軍情請催各省協餉片

湖北援軍保獎請卹摺（全日）

查覆鄧仁菴被參各款摺（同日）

克復奉新縣城摺（咸豐七年正月十七日）

官軍克建昌武甯兩湖軍收復各縣摺（全日）

目疾請假摺（全日）

報丁父憂摺（二月十六日）

呈請代奏奔喪到籍日期摺（二月三十日）

呈請代奏謝恩摺（三月二十六日）

滙陳下情懇請終制摺（五月二十二日）

恭謝天恩并備請開缺摺（六月初六日）

滙陳辦事艱難仍懇終制摺（全日）

欽奉兩次諭旨覆奏摺（九月初九日）

酌擬報銷大概規模摺（十二月初七日）

奏稿卷十目錄

恭報起程日期摺（咸豐八年六月十七日）

湖口建昭忠祠九江建塔齊布祠摺（八月十二日）

湘鄉縣建忠義祠摺（全日）

廣豐玉山兩縣解圍摺（全日）

遵旨移師援閩摺（全日）

調李瀚章來江西片

調喻吉三隨營片

設立轉運糧臺片

攻克安仁縣城摺（八月二十四日）

劉本傑陣亡請卹片

胡兼善病故請卹片

請四川協餉片

移帥由杉關入閩摺（九月十三日）

調派官軍分道入閩摺（十月十六日）

各營患病情形片

移軍剿景德鎮股匪摺（十一月二十六日）

蕭啓江擒捕潮匪片

陳明石逆情形片

遵旨斟酌具奏摺（十二月十一日）

目疾請假片

通籌全局請添練馬隊摺（咸豐九年正月十一日）

李續賓死事甚烈功績最多摺（全日）

會國華殉難三河鎮摺（全日）

調饒廷選來江片

謝年終恩賞摺（二月初九日）

謝會國華追贈優卹恩摺（全日）

蕭啓江在南康勝仗摺（全日）

張運蘭攻剿景鎮情形摺（全日）

陣亡病故員弁彙案請卹摺（全日）

謝會驥雲賜封典恩摺（二月十五日）

克復南安府城摺（全日）

移駐撫州片

會國荃保升道銜知府謝恩摺（二月二十八日）

信豐解圍調蕭啓江援湖南摺（全日）

江西添濟月餉片

謝會紀壽及歲引見恩摺（三月二十六日）

景鎮官軍攻剿情形摺（全日）

新募楚軍來撫州教練片

奏稿卷十一目錄

李鴻章留營襄辦片

覆陳防蜀緩急摺（六月十八日）

攻克景德鎮及浮梁縣城摺（六月二十二日）

調張運蘭會剿寶慶片

恭報兩路接營日期摺（七月初六日）

覆陳四次諭旨摺（七月二十五日）

謝交部優敘恩摺（全日）

會商大略摺（九月十二日）

遵旨悉心籌酌摺（十月十七日）

恭報入皖日期摺（十一月十九日）

謝年終恩賞摺（咸豐十年二月初六日）

目疾請假片

謝交部優敘恩摺（閏三月初五日）

覆陳未能舍安慶東下請簡用左宗棠摺（四月十三日）

調張運蘭來皖片

謝署兩江總督恩摺（五月初三日）

通籌全局並辦理大概情形摺（全日）

請起用道員沈葆楨摺（全日）

察看海漕並保鹽場片

擬設江西糧臺及牙釐局片

催調張運蘭軍片

李元度另募新勇片

報銷歷年軍需摺（五月初六日）

遵旨覆陳並報起程日期摺（五月十七日）

預籌三支水師摺（全日）

彭玉麟統水師李瀚章會辦牙釐片

請在京倉存米片

請毋分撤鄂軍片

飭吳全美師船赴防江北片

妥籌辦理並擬變通章程摺（六月初三日）

恭報行抵祁門日期摺（六月十六日）

皖南軍務暫未便接辦片

請留左宗棠襄辦江皖軍務摺（全日）

遵旨調遣水師摺（同日）

斟酌進兵兼顧皖南軍務摺（七月初三日）

興辦淮揚水師派員先往籌辦摺（同日）

黃翼升塔勝淮揚鎮總兵片

平江縣建忠義祠摺（同日）

行營采訪忠義第一案片

奏稿卷十二目錄

覆奏統籌全局摺（咸豐十年七月十二日）

李元度調補皖南道缺摺（同日）

欽奉四次諭旨覆陳摺（七月二十三日）

派宋夢蘭辦皖南團練片

收復廣德州片

保毛鴻賓任蘇藩片

恭報進兵日期襄（八月初三日）

上海情形已鬆未能即圖金陵片

請略乘章暫緩入蜀片

援軍甫進甯郡被陷現籌堵剿摺（八月二十三日）

皖南立脚稍穩即分軍先趨蘇境片

欽奉訓飭懷遵覆陳片

請撥江陝兩省協餉片

覆奏勝保請飛召外援摺（九月初六日）

徽州被陷現籌堵剿摺（同日）

周天受殉節請卹摺（九月十六日）

皖南北近日軍情片

請飭蔣益澧帶勇來皖片

統籌緩急機宜摺（十月初四日）

會攻休甯勝仗片

進攻休甯立復黟縣摺（十月二十六日）

宋國永等請補實缺片

覆陳洋人助剿及採米運津摺（十一月初八日）

查覆蕭盛遠實蹟片

近日軍情片

左宗棠軍克德興婺源（十一月二十八日）

建德失守旋經克復摺（同日）

近日南岸軍情賊勢片

水師保守湖口克都昌縣摺（十二月十三日）

皖南江西全局片

楊載福救拔南陵縣軍摺（同日）

上溪口江灣兩營失陷摺（同日）

彭縣官軍勝仗摺（同日）

奏稿卷十二目錄

忠義局第二案摺（咸豐十年十二月二十八日）

覆陳劉培元金國琛能否赴浙摺（同日）

湖南設立東征局請頒發部照摺（同日）

官軍扼守景德鎮會剿洋塘大捷摺（咸豐十一年正月二十四日）

二十四日

逆匪分犯大赤大洪二嶺迎剿獲勝摺（同日）

官軍破賊黃麥鋪饒九境內肅清摺（同日）

擬移駐東流建德抽出霆軍片

攻破上溪口賊巢進克休甯摺（二月十七日）

近日江楚軍情片

官軍分剿婺源樂平大股竄匪摺（三月二十四日）

嶺外逆匪竄撲西北兩路分剿大勝摺（同日）

進攻徽州未能得手摺（同日）

景鎮失陷陳大富陣亡請卹摺（同日）

江皖大局片

官軍破賊樂平鄱景浮樂一律肅清摺（四月初二日）

請將左宗棠改爲幫辦軍務片

近日軍情片

官軍攻赤岡嶺賊壘悍賊殲除摺（五月十八日）

代遞唐鑑遺摺摺（同日）

李金陽張光照正法片

收復徽州府城摺（五月二十八日）

近日軍情片

揀員署皖南鎮道摺（同日）

參鄭陽和等片

覆陳左宗棠軍不能赴浙摺（六月初八日）

留彭玉麟統水師營片

水陸員弁彙案請卹摺（同日）

奏稿卷十四目錄

覆陳華祝三體奏摺（咸豐十一年六月十八日）

近日三省軍情片

曾文正公全集 第二冊目錄

六

左宗棠軍五六兩月戰守情形摺（七月十八日）

覆陳購買外洋船礮摺（同日）

近日軍情片

調上海輪船片

鮑超軍豐城大捷摺（八月初二日）

克復安慶省城片

水師克池州府城摺（八月初十日）

鮑超軍克鉛山縣摺（同日）

請將鮑超等補實缺片

留張運蘭在徽州軍營片

歷陳胡林翼忠勤績摺（十月十四日）

克復銅陵縣無爲州等處摺（同日）

曾國荃回湘募勇片

左宗棠定議援浙節制諸軍摺（十一月十六日）

李桓保升兩司摺（同日）

揀員置安徽司道摺（同日）

留朱品隆攻甯國片

力辭節制浙省各官摺（十一月二十五日）

查覆江浙撫臣及金安清參款摺（同日）

保奏周騰虎等片

苗沛霖應剿彭玉麟離水營摺（十二月十七日）

浙省失守徽郡被圍通籌全局摺（十二月十八日）
王開化請卹片

曾文正公全集奏稿卷八

官兵攻勦撫州迭獲勝仗摺

(咸豐六年六月三十日)

奏爲五月十一日至六月十一日官兵攻勦撫州迭獲勝仗，恭摺具奏，仰祈聖鑒事。竊官兵攻勦撫州五月初十日以前迭獲勝仗，各情形業經會奏在案。嗣據李元度會同鄧輔輪、林源恩等陸續稟報：五月十一日，賊分三支來犯，楚軍中營、我軍豫伏礮位於濠外樹間，出其不意，轟斃數名，各勇隨煙槍進，賊仍死拒。都司周得陞從右手鈔擊，直薄城下，互有殺傷。賊遂從隄上橫過，更犯江軍，總各軍奮力擊退。十六日，約會水陸夜攻四更時，從文昌橋轟擊東北門，其駐紮千金陂之礮船十號，攻擊清風門及南門，楚軍復於西城轟礮，以分賊勢。城內更鼓加嚴，鎗礮不絕。江軍之在清風門梯城而登者，被火彈燒傷十一人。遂於黎明收隊。十八日，探得瑞臨援賊由棠埠秋溪進紮上頓渡對岸。初列三營，繼併爲一大營。高壘深溝，冀與撫賊爲犄角之勢。因約會水師於十九日合攻。辰刻楚江兩軍派哨馳抵渡口，該逆列隊河干，紅傘黃衣，怒馬充斥。所掠民船百餘號，盡泊對岸。我軍水師二十餘艘駛至，礮

斃數十賊，賊遽敗退。我勇梟水過河，牽解糧船，隨軍督責。等由上游徑渡，董梅華等繼之。哨官易祥泰等由下游過渡，夏宏江等繼之。同時飛渡千餘人，該逆分股抵敵。我軍鎗礮先轟，刀矛續進。斬倒悍賊數名，賊始卻退，仍復回禦。時是我軍進易退難，已成背水之勢。人人併命，直逼賊壘。彭大壽等從左手衝來，劉體厚等從右門薄入，立將賊壘蹋平。賊從壘後狂竄，我軍乘勝追殺，合計殲斃四五百名，俘溺百餘名，逃散殆以千計。奪獲黃旗百七十三面，號褂四百餘件，擄鎗刀矛藥鉛甚多。此十九日冒險渡河，踏破援賊營壘之實在情形也。二十三日，賊探知我軍開挖地道，因出二百人傍城開濠，並埋鎗礮，以爲抵禦之計。我軍出隊驅逐，用大礮轟斃數名，賊始絕城而入。二十四夜，用火箭噴筒，前坐驚營，四更始盡擊退。我軍旋於五更水陸夾攻，千礮雷動，該逆登陣死拒。黎明收隊。次日辰刻，賊復分股出城，一撲右營，一撲中營，經各營擊退。二十七日，我軍在懸鶴嶺築一邊牆，安礮俯擊城內。賊出三百人奮力相爭，我軍亦奮力迎擊，互有傷亡而退。六月初一日，賊用全力來撲江軍。我軍用銅礮排轟，紛紛落地，仍堅忍不退。其分犯楚軍者，亦極強悍。鏖戰兩時之久，殲斃一百餘名，我軍陣亡

二人受傷四十餘人。初三日，省城解運大礮十尊到營，是夜轟攻達旦。初四日，水師營官金世進帶船十四號，紮於千金陂，會合攻城。自晝至夜，水陸巨礮連聯不絕，聲如隕牆，城內震怖。初五日，城內遣散百姓七八百人，復出賊二百餘人，趁便劫掠。我軍出隊追擊，賊仍入城。我軍復排礮攻城，轟倒壕口，守陣者盡皆伏匿。我軍即負梯薄城，賊又拚命死拒。隊長周芝芳、方鳴玉中礮陣亡，受傷者十餘人。遂收隊罷攻。十一日，有賊數百由東岸來襲我水軍，營官成章鑑先期防賊來犯，多削竹籤，暗釘兩岸沙草之中。賊至半為竹籤所窘，連發礮斃二十餘名，賊黨稍退。或伏隄下，或匿樹間，少頃再進，復被礮斃十餘名，賊始飛遁。我軍尾追數里而還。此自五月二十三日至六月十一日，水陸圍攻，迭獲勝仗之實在情形也。伏查撫州賊匪嬰城拒守，又有瑞臨援賊相繼而來。經李元度等水陸夾攻，迭有新獲，而相持兩月有餘，郡城尚未克復。自五月初十以後，惟十九日渡河踏毀逆壘，殺賊最多。此外雖屢次報捷，我軍傷亡亦多，將士同深憤激。臣等更切悚慚，誓當力復此城，以清東路。所有五月十一日至六月十一日攻剿各情，理合據實繕陳，伏乞 皇上聖鑒謹奏。

水師連勝收復南康府城摺

（咸豐六年六月三十日）

奏為水師連獲勝仗，收復南康府城，恭摺奏祈聖鑒事。竊南

康府城為江西全省水道之總匯。外接大江，內控鄱湖，為古來壯師戰爭之地。去年臣國藩駐紮該府及屏峯等處，水陸布置，尙無疏虞。自本年二月間，樟樹鎮官軍失利，將分駐青山、屏峯之水師調兼吳城。下游之賊遂竄據南康。城中不時乘閒上犯。水軍統領惠潮嘉道彭玉麟督率各營防剿兼施，四獲勝仗。疊經會奏在案。茲據該道稟稱：六月十一日，探有賊船上駛，因派後營蕭導營由東路包鈔，左右兩營由西路直下。賊旗向前，兩相攻擊，該逆潰竄。我軍尾追，礮轟其後，子落賊船，傷亡甚衆。順水順風，該逆揚帆而遁。十四日，賊復上竄，又經各營擊燬其船二隻，斃賊十餘人。此六月初十一、十四連日獲勝之情形也。旋探賊在南康一帶，迫脅民夫，修造戰船。因派各營分途往剿。長龍在前，舢板繼後。於十八日五鼓出隊，行抵老爺廟地方，焚賊艦六隻，賊即下竄。維時風勢浪高，我軍暫行停息。風波稍定，將長龍分泊兩岸，各帶舢板，直赴南康城下。該逆嬰城拒守，我軍將礮口高擡，轟子入城，而沿岸堆積船料甚夥，一概焚燒。賊見城外火起，即開東門逃竄。該道同營官鄧翼升孫昌國、陳炳元、丁義方、廖水勇登岸進城。因水兵不慣陸戰，尾追十里而還。城內輒牆為賊撤毀，蒸硝礬益衆，疊將其硝廠船廠一概蕩毀。此十九日收復南康府城之情形也。伏查南康地瘠民貧，城內賊黨無多，水軍出其不意，即時收復。惟吳城水師祇有四營，下游之賊雖經懲創，前後兩河尙有德安、建昌之賊，截我後路，又無陸兵為之犄角，故不敢守此荒城。祇得安撫居民，仍回吳

駐泊。每日派船十餘號，游繹郡城，以巡哨爲防守。所有善後事宜，臣等另籌陸兵與水師依議，庶足以資堵禦。所有收復南康府城緣由，理合由驛馳奏，伏乞 皇上聖鑒訓示，謹奏。

饒州失守旋經克復摺

（咸豐六年六月三十日）

奏爲饒州失守，旋經克復，恭摺具奏，仰祈聖鑒事。竊饒郡防剿事宜，及五月十五日大獲勝仗情形，業經會奏在案。臣等以此股賊匪，雖經懲創，而饒郡四通都湖北接彭建，實爲羣賊之淵藪。四路可通，時虞窺伺。仍飭新任布政使督率水陸各軍，擇要扼防，相機攻擊。並添派參將阿達春帶得勝軍五百名，前往應援。督飭與各營商酌，擬以阿達春一軍進紮童子渡，而令畢金科移營紮陶溪渡，會合輪營，併力守禦。初一日，探得都湖建德逆匪分三路內犯，已抵陳家嶺。畢金科等會商，亦分三路迎敵。初二日，平明進至陳家嶺。畢金科奮勇當先，派千總龔廷貴督勇衝殺，殲斃長髮四百餘人。奪獲羸馬九匹，追及臥虎山，四面壁立。遙見衛林中尚有伏賊四股。畢金科勒馬隊隊，毋許再追。該逆知我兵不入伏中，遂由山背鈔至陶溪渡，直襲輪勇營盤。須臾火起，被陷。輪營各勇退屯四十里街。畢金科以陶溪營壘被陷，恐童子渡亦難孤立，帶勇暫退紮北門外。此初二日接仗，互有勝負。兩營退紮之實在情形也。阿達春得勝軍到饒，四月初三日，方進紮四十里街。中

途聞信亦折回。紮北門外。輪勇亦回屯府城。初四日，探聞該逆分竄景德鎮，知其爲聲東擊西之詭謀。議定離營諸軍力扼東路。阿達春畢金科防禦西路，相機進剿。水師則分佈於祝君垠、黃龍廟沿河一帶，既防賊舟突入，兼爲陸路聲援。初五日，賊衆分五股來撲郡城。畢金科與得勝軍哨官朱光裕、李鶴齡、李選齡等分途迎敵。鏖戰二時，陣斬偽指揮張姓等四名，賊敗走。追不數里，忽分股鈔出隊尾，兩營腹背受敵。輪勇之在茅園者，亦已敗退。賊衆由北門竄入，直出東門。各營紛紛潰散。截渡沈溺者約二百人。得勝軍哨官藍翎千總李鶴齡與其弟把總李選齡同合衝擊至六七次。被該逆重重包裹，偪入湖中，力竭陣亡。水師賀虎臣、康國器兩軍見事勢危急，急督帶水勇登岸。畢金科率親兵百餘回擊。由高門進至東門。水勇登城，短刀相接，雜以礮石，殲賊三百餘名。該逆先勝後敗，狂奔出城。我師雖於收隊時轉敗爲勝，然以傷亡過多，勞乏過甚，亦未曾久駐城內。書齡率督水師，泊於城河對岸。陸營亦分紮角山圩等處。旋與賀虎臣退至距饒三十里之表恩汛地方。此六月初五日，官軍挫衄，郡城失陷，并該司等移營退守之實在情形也。臣等以陸軍帳械全失，即飭畢金科馳回省城，重加整頓。迅圖克復。十八日，復自省駛赴饒州。因阿達春告病，乃另派都司林葆等協和營千人，而以九江鎮總兵居隆阿前往督同剿辦。十九日，師至表恩汛，與書齡紮泊一處。該逆於城外紮營四座，一營黃龍廟，并於河邊立礮臺九座，阻我兵登岸之路。一營東門外，

營毛園防我兵鈔襲一營北門外，以爲退步。尙有小營，分布數處。堅壘深濠，竹籤鹿角，極爲周密。二十一日，耆齡等定大舉進攻之議。畢金科、林葆兩軍，由角山圩進攻東路及北門，翁營由沙洲進攻西路及芝山，期於風雨山相會。水師金世蓮、賀虎臣兩營助攻東路，康國器助攻西路。二十二日，東路水師金世蓮等先抵黃龍廟，該逆鎗礮齊施，火箭噴筒，形如驟雨。我軍幾不得進。各戰船飽食羣子，萬礮齊轟，哨官楊占鑒首先登岸。畢金科與林葆隨換小船，一躍而登。兵勇如牆繼進，奮力衝殺。火箭火彈四面拋放，賊營火起，千總關廷貴等堵截該處股匪。畢金科攻期沿河礮臺，衝塌一座，各處潰散。遂合攻東門。該處悍賊畢萃，併力死拒。自卯至巳，尙未擊退。迄協和營繼進，水師亦捨舟登岸，環攻數重，始衝入賊營，奪獲鎗礮數十件。我兵進城，乘勢跟追，直逼至大街。城中伏賊突起，三路鈔來，勢似潮湧。畢金科積前日之憤，乘新勝之氣，下馬怒戰。又值從九品楊玉輝帶守船丁勇前來助剿，連刺騎馬賊十一名。該逆將旗幟各物拋棄，墜城逃奔。計殺死及轟斃約五六百人。林葆等至茅園繞出，會合追賊，共踰北門外及張王廟賊營。水師亦由祝君塔進，踰去高門內教場賊營一座。維時居隆阿同赴東門，督勵將弁，追殺尤多。其自西路進者，康國器先帶礮船於高門上下開礮，故作攻撲之勢。城西之賊稍稍分撤往救。耆齡督令守備羅玉祥等分爲三隊，風飛登岸。賊之撤救高門者，回顧不及。濟勝軍水師及陸勇，分道攻城。先將其坐礮砍倒，剿散守城

之賊。旋分爲二：一撲高門，一撲礮芝門賊營。縱火焚燒，賊膽驚落，遂大奔潰。分投追剿，自西城轉戰而出北門者，適與城外羅玉祥剿散芝山股匪之兵相遇。前後夾攻，殺賊無算。其奔逃不及者，紛紛竄匿東湖、西湖兩軍合併窮追，至風雨山收隊。武舉于宣等遙見援應之賊自山後捲旗而來，計圖暗襲。我後各營嚴陣以待，賈其餘勇，併力追擊，復殺賊百餘，並燒道旁小營二處。通計江楚水陸各軍殺賊千餘，生擒八十五名，先後解送省城。奪獲旗幟四百一十面，鎗礮子藥礮馬無數。此二十二日克復饒州府城之實在情形也。伏查饒州一郡，捍禦鄱湖、皖南之賊，東蔽廣信，南衛省垣，實維江省要區。特以逆蹤切近，無城可守，遂致屢復屢陷。該逆以善守爲長技，此次甫經半月，修築營壘，礮臺至十餘座，爲堅悍不拔之計。幸我軍文武同心，憤激用命，一鼓克捷，保全東北藩籬。然近而鄱湖，遠而微池，匪黨環窺，仍須厚集兵力，乃足以資防剿。此次酷暑鏖戰，克復神速，所有水陸將弁尤爲出力者，籲懇天恩，容臣等開單保獎，以示鼓勵。布政司耆齡有專辦饒防之責，饒州府知府張澧翰、鄱陽縣知縣夏燮，有地方之責，均有應得處分。惟克捷迅速，功過尙足相抵，應請免議。哨官李壽齡請交部從優照守備例賜卹，李選齡請照千總例賜卹。陣亡弁勇查明照例辦理。所有饒州失守，旋經克復緣由，恭摺由驛馳奏，伏乞 皇上聖鑒訓示，施行。謹奏。

建昌攻城黃虎臣陣亡摺

(咸豐六年六月三十日)

奏爲官兵會剿建昌府城連獲勝仗恭摺具奏仰祈聖鑒事
竊建昌官紳辦理防剿並省城分撥兵勇應援各情業經會奏在案嗣據該府何斌在籍知府張家駒等稟稱省兵黃虎臣等於五月十二日到郡與建昌兵勇更番派隊分駐西南北三面晝夜環攻閩兵張從龍等於五月二十八等日次第到郡分駐東面斷賊接濟並派哨赴宜黃偵探以防賊之應援建昌城外民房櫛比我軍分駐房內開掘地道復派隊分段緣梯而登該逆頑悍不出平時城上並無旌旗聲息俱寂我軍於登高山設立望臺俯視城中不見一賊忽然礮聲陡起鉛子從山頂飛過及我軍約會進攻賊匪了不接應兵勇扛梯而進飛擲火毯則城上旗幟林立號鼓雷鳴礮礮如雨每垛用皮木箱滿盛磚石傾筐而下我軍受傷甚多因之卻立稍卻則礮礮頓息每夜用鐵鍊木板堆積棉花桐油四面燃放號火至四鼓漸熄我軍即支梯飛聲而上纔至梯巔則木石鎗礮齊下或傾倒火藥往往跌墜陣亡苦攻半月之久未能得手六月初一日探得宜黃援賊自茅排地方蠢擁而來各營集議派隊分守要隘截擊外援並堵城內出應之賊是夜二鼓南城內突出數百人暗撲建昌營經虎字營江永和帶勇橫截擊之殲賊五十餘名建昌營聞聲攔擊又殲二十餘名賊遂竄入城次

日黎明援賊忽分三路而來一撲西門一撲南門一撲建昌營併撲南門突過虎字營地道之旁營官黃虎臣大隊未至率勇九人挺身邀擊衝突過早前面之賊爲其所殲後股蜂擁攔刺該營官身受十餘傷力竭捐軀各營駐建昌者以黃虎臣爲衆望所歸未成列而遇害三軍爲之氣奪幸本營哨官黃之一江永和及外營營官李大雄胡應元等聞信奔救大隊齊出於刀矛叢中將黃虎臣屍首奪回且涕泣戰憤氣百倍該逆紛紛敗北鬼走鳥飛自相踐踏廣義軍郭守謙等從登高山直趨而下聲震山谷所向披靡兩路共殺賊五百餘人生擒二十三人訊明正法奪獲黃旂呢轎文卷衣服甚多大小礮位十一尊步隊追至二十里外馬隊至三十里之視下撤隊回營建昌營守備楊錦斌另擊麻源之賊分路鈔追亦斃賊匪百餘名生擒十六名奪獲黃旗軍械八十餘件此六月初一初二連日接仗獲勝之實在情形也伏查建昌郡城之賊偵探皆云真賊不過千餘乃環攻半月該逆嬰城拒守寸步不出較之撫州悍賊時出擄掠者情形迥不相侔此次截剿援賊酣戰獲勝軍心爲之一振然黃虎臣爲數當領袖遠爾殉難亦屬得不償失適因初五日饒州挫敗臣等恐饒賊東援撫州南犯省城而建昌一隅兵力尙厚遂將攻剿建昌之六營者移駐撫州撤回省城以便調遣都司黃虎臣樸實驍勇前此克復建昌縣案內擬保游擊尙未出奏此次力戰捐軀應請照游擊例賜卹營官藍翎把總李大雄胡應元哨官江永和均係建昌縣案內克城先登之

員，此次當黃虎臣初逝之際，俱能憤極力戰，轉敗爲勝，關係甚大。李大雄請以守備補用，胡應元、江永和均請以把總即補，並賞戴藍翎。陣亡弁勇，查明照例辦理。所有官兵會剿建昌，疊獲勝仗，緣由理合具摺會奏，伏乞 皇上聖鑒訓示，施行謹奏。

陳明各路援師片

（咸豐六年六月三十日）

再：福建援江兵勇三千一百人，現到建昌府者已有二千六百。人屢接閩浙總督臣王懿德來咨，先派副將陳上國帶一千五百人，馳赴金陵，交向榮調遣。其餘兵勇仍交副將張從龍，留於江西，攻剿建昌等因。鈔摺咨送前來。六月初五日，饒州失陷，臣等恐賊蹤竄援，廣信擬俟陳上國調兵過郡之便，截留防守廣信。咨明學政臣康兆綸會摺具奏在案。今饒州業已克復，此項閩兵即無庸留防廣信，應令迅赴金陵，以資援剿。惟查該副將等一軍口糧取之閩省，糧臺夫船取之江省，州縣雖經臣等札催，刻下尚未據報起程。至湖北援師，由曹承堯、曾國華等統帶來江，已於六月十八日克復新昌縣。二十四日克復上高縣，接據細字隱語書函，七月初旬，可至瑞州。從此兩湖聲息可通，大局當有轉機。廣東援師接據稟報，潮州鎮總兵壽山於五月十九日至贛州入城，二十二日大獲勝仗。贛郡防守尚嚴，當可保全要郡。仰慰宸廑，所有各路援師情形，理合附片奏聞，謹奏。

贛州解圍攻剿情形摺

（咸豐六年八月初七日）

奏爲贛州府城解嚴，並各屬剿辦情形，恭摺奏祈聖鑒事。竊贛州據江西上游，爲古來用兵者所必爭之地。又與粵東毗連，時有土匪滋事。本年正月，吉安失守，泰和繼陷，沿途文報不通。該郡一切軍務，傳聞異詞。六月間，廣東援師至贛，臣等附片奏聞在案。茲接據護南輪道汪報閩，署南贛鎮總兵阿隆阿等，專差護道，齎文來省，據稱：「本年春間，泰和一帶寇氛日熾。汪報閩帶領新城、南康之勇三千餘名，文英、羊角二營官兵，同往進剿，接仗失利。三月十二日，興國武進士韓進春至良口地方。十五日，與泰和之賊戰於萬安武素一帶，大獲勝仗，擒斬頗多，並擊沈賊船三隻。十七日，該匪復四路來攻，我軍陸路失利，水軍不能獨支。韓進春一軍退紮大湖江。汪報閩即帶餘勇回贛，適值署饒州營參將遮克敦布撫州戰敗之後，於甯都收集兵勇到贛。三月三十二日，南康所屬之潭口地方會匪滋事，將委員鄭慶雲戕害。數日之間，土匪四起。下游之長髮賊，又於二十五日破龍泉。於是潭口之賊糾集大庾、新城土匪，於四月初二日圍南康。塘江一帶之賊於初四日破上猶。風鶴迭警，人心搖動。適汪報閩先期招募之湖南東嶺勇從崇義而來，十四日克復上猶縣。商借之廣東南雄勇從大庾而來，初九日將新城土匪剿散。於是南康之勇會合東嶺、南雄各勇，連

日攻則金雞嶺，李家山，鏡湖，以及塘江，潭口，各處。贛州亦派兵勇夾擊，先後六十餘戰，殺賊近萬，軍威日振。此東嶺南雄等勇剿辦土匪得手之情形也。南嶺界連楚粵，羣盜淵藪，連歲三省梭剿，新刈不爲不多。無如黨羽甚繁，蔓延日廣，又復糾邀泰和萬安一帶之長髮賊，上竄贛州。四月十九日，韓進春在大湖江戰敗之後，各賊即分東西兩路，於二十九日直薄贛城兩岸，紮營數十座，敵船數十號，在城北鰲角尾地方停泊，復於上游擄取船隻，搭造浮橋。五月初三日，賊分東西兩路過河，徑撲城下。經兵勇出隊，擒斬三百餘人，擊沈賊船七號，淹斃百餘人。餘匪潰回，追逐落水者尤多。由是賊鋒稍挫，連日未取過河。南路陸賊送至扛道坪嶺上紮營，均經我軍擊敗，燬其營盤。十五日以後，大雨河漲，湧金門一帶水與雄壁相平，防守喫緊。適東嶺勇因南康缺糧，前來贛州就餉，即令該勇入城守壕。而廣東督撫奏調潮州鎮兵總壽山督帶兵勇一千五百名來江助剿。於十六日攻破零都十八日亦抵贛城。官軍援師日集，賊數亦日增。二十二日，東河賊匪會合南路賊萬餘，直撲東南兩門，各兵勇由南門出隊，鎗礮齊施，刀矛攔進，擒斬五百餘人，割級一百八十八顆。追逐落水，除漂失不計外，壘塞江河賊屍尚有六百餘具。並開放大礮，擊沈賊船，奪獲旗幟器械無數。其東岸嶺上營內各賊，亦由旱路逃往山後。我軍追逐，燒燬賊營十數座。此贛郡被圍，二十二日接仗獲勝，東岸肅清之情形也。總兵壽山等與汪報聞熟商攻剿西河之策。欲趕造浮橋，則船隻

不敷。且對岸賊礮甚多，難於措手。於是佯爲置之不理，令我軍分日出隊，或攻東南路之楓梯嶺，湖裏塘，或攻正南路之南橋，或攻西南路之楊梅渡，老虎坑等處。至六月十七日，乘其不備，仍令兵勇於各路誘戰。待至賊衆應接不暇之時，我軍千餘人突出西門，乘船過河，直至對岸，一擁而登。先殺斃執旗賊目數人，並焚燬沿河賊營兩座，匪始退走。我軍分路鈔擊，上渡楊梅渡等處之兵勇，亦各用竹筏木簰過河，上下夾擊，計擒斬六百餘名，割級三百八十五顆。奪獲大礮十一尊，擡鎗一百五十三桿，礮船三隻，又大小船隻三十餘號，躡平嶺上賊營二十餘座，餘匪即日逃遁。我軍追逐十餘里。次日搜捕及鄉民捆送者，又得五十餘人。並將已受僞職之舉人劉效忠生擒正法。此六月十七日，攻破西岸賊營，贛郡解圍之情形也。現據鄉民稟報：東河自贛城至興國，得國勇數萬人。西河自贛城至八十里之沙地，均無賊蹤。北路自贛至良口一百二十里，亦趕辦團練，一律延募。惟南路之賊，尙須迅圖攻剿。前經汪報聞稟明廣東督撫，臣准令南澳鎮總兵，帶兵來江協剿。如能上下夾擊，則潭口一帶當可指日蕩平。又前任按察司周玉衡之子候選同知周炎先，於四月二十八日，自備軍需錢二萬串，招集龍南鄉勇二千餘人來贛，會廣次出仗獲勝。嗣於六月間，因廣東和平之賊竄入定南圍城，以致長甯安遠信豐一帶，時有警報。飭周炎帶勇前往信安，長定一路相機剿辦。各等因。稟報前來。臣等伏查江西自吉安撫建並陷之後，贛州遙隔南路，道途梗阻。臣等

每聞警報，寢饋不安。歷次陳奏，皆以此爲慮。該護道汪報聞就近稟請廣東督撫撥兵赴援，並接濟軍餉十餘萬。又有東嶺南雄南康等勇，及周炎捐募之龍南勇，先後協剿，藉以殄逆黨，而保郡城。實爲江省大局旋轉之一端。除俟查明尤爲出力人員，籲請保獎，傷亡弁丁，照例請卹外，謹據護道汪報聞署南贛鎮總兵阿隆阿來文，附驛具奏，伏乞 皇上聖鑒。再此案經汪報聞就近稟報廣東督撫臣或已先行具奏，合並聲明謹奏。

湖北援師進攻瑞州府城摺

（咸豐六年八月初七日）

奏爲湖北援師進攻瑞州府城，江省派兵四千前往會合，屢獲勝仗，江楚之路漸通，恭摺馳奏，仰祈聖鑒事。竊湖北援師克復新昌上高等縣，將至瑞州業經附片具奏在案。嗣據探稟，候補參將普承堯候補同知吳坤修同知銜曾國華候選知縣劉騰鴻於七月初一二等日先後抵瑞州府城外。初三初五等日大獲勝仗。臣等因派湖南河溪營都司彭山記都司李新華守備萬泰羊瀛等率兵勇七營四千入於初九日自省起行。十五日馳抵瑞州與援師相會合。自上高新昌以前接戰情形，均由湖北湖南撫臣具奏。既至瑞州城下，十五以前接戰情形，仍是細書隱語，略敘大概。十五以後省兵已到，接戰情形，稟報較詳。臣等謹據原稟分別陳奏。六月三十日，援軍於距瑞州二十里之大山地方駐紮。七月初

一日，率隊赴府城，察看形勢。猝與城外賊遇，格殺數十名，生擒六名。初二日，移紮西門外。查瑞郡分建南北兩城，北曰「官城」，南曰「民城」。中夾一河，上有大橋一道。初三日，僞北王章昌韓自臨江率黨三千餘人來援。我軍派定兩大支，以一支留河北攻剿城內之賊，以一支過河南列陣堵截外賊，使不得入。比章逆至，我軍之先過河者，已拔其南城，即從南城出剿。望見賊勢甚盛，僅從辦奔，窘懼非常。頭隊排刀手兇悍直前，劉騰鴻堅持不動，靜以待之。該逆二次猛撲，銳氣稍衰。我軍突起乘之，賊衆敗潰。我軍復從北岸渡兵，鈐其後尾。賊隊大亂，殲斃近五百人，奪獲僞王黃轎轎傘金碗金盆各物，及銀錢甚多。章逆逃竄鄉間，是夜偷入城內。初五日，我軍大舉攻城，緣梯陷肩，肉薄而登。該匪鎗礮木石同時并發，壯士多傷，未能得手。初九日，賊匪乘雨前來撲營，先犯吳坤修彭勇營，我軍怕寂無聲，佯呼「天雨藥溼，何以禦敵？」賊悉銳撲至壕外，我軍點放礮山大礮，飽食羣子，轟倒數人。各營鈐出截擊，賊黨敗潰，紛紛四竄。有不及進城者，追殺幾盡。十一十二兩日，賊復傾城出犯。我軍相戒勿動，俟其疲乏，奮勇直前，殲賊甚多，追至城根而還。此楚軍到瑞後，十五日以前六次接仗獲勝之情形也。當楚軍初至瑞州之時，該逆方大舉撲犯省城。於省河之對岸數十里內，築立賊壘五六處，另詳水師奏中。其塘塹一壘，去省垣十里而近。逆旗日來沙井壩，戰一河僅隔。臣等欲派兵勇迎接瑞州之援師，必先攻破沙井之賊壘。七月初四日，渡兵二千餘

人進則派守備羊瀛、義武營、擊中路守備萬泰、把總胡應元、兩營擊西路守備李大雄、陸加洪、兩營擊東路。如牆排進，直抵塘頭垭。賊見該逆出營迎敵，未及片時，我西路兵已截斷其尾。營內逆黨紛紛潰竄，前敵之賊亦相繼敗退。路破逆壘二座，奪獲大礮四尊，旗幟軍械無算。此初四日進剿省河對岸賊壘獲勝之情形也。初九日添派新字營、虎字營，合四千人，前赴瑞州。十五日到郡，與鄂省援師相會。十七日該逆以楚軍精強，未可輕犯。江軍稍弱，且新到營壘未堅，遂出二千餘人，牽制楚軍，而以大隊六千人猛撲新到江軍之營。江軍各營官議定，整隊以待。俟其切近，始行出擊。右路一股先至，直向平江營、胡應元帶隊沖出。中路繼至，李大雄出禦之。萬泰率九江營抵禦左路，義武得勝兩營，合鈔右路之後。回合數十次，右路退挫。義武營勇夫紛紛逃潰，幾至不支。都司李新華帶新字、虎字營馳出力堵。楚軍湘勇勇馳至救援。各營先挫者，亦回旗轉戰。李大雄力衝中堅，賊即敗潰，勢如山頽，殺賊五百餘人。追至城下，後者不及入城，逼入蘆籬，自相踐踏，城上火礮大礮，自相擊斃，餘皆鳥驚獸散，未得歸隊。此十七日江楚兩軍初合，擊賊獲勝之情形也。二十七日，楚軍派三成隊出迎餉項。賊又分股來犯。西門三股，湘勇、勇禦之。江軍各營繼十七日之小挫，堅壁不動，以觀楚軍之戰。湘勇、勇戰二時許，該逆抵死不退。驟加洪帶得勝軍策應，實營、胡應元策應，湘營又相持一時，未能取勝。李新華、李大雄等，從東北鈔出，鎗礮兼施，刀矛並舉，聲震天地，賊

衆大敗。江軍由北門追至西門，與湘軍各營會合，殺賊共五百餘人。餘衆狂奔入城，城上巨礮轟擊，煙塵蔽空，火箭石塊，驟如雨下，不及入城者，自斃約近百人。此二十七日接戰獲勝之情形也。伏查湖北援師，四月初間自鄂省起行，追收，繞至長沙，旋復馳至江西，隨署行軍，轉戰千有餘里，克復咸甯、蒲圻、崇陽、通城、新昌、上高六縣，扼馳瑞州，以通兩湖之路。江西全局之轉機，實係乎此。所有帶兵得力之員，應即籲懇恩施，以示鼓勵。湖北補用參將晉承堯，請以副將歸部遇缺即選。湖南候補同知吳坤修，請以知府歸於湖南補用。同知銜曾國華係臣國藩之弟，未敢仰邀獎敘。臣文俊查曾國華經其父會請書因，聞羅澤南傷亡，遣令馳赴湖北幫理營務。即經湖北撫臣委帶湘勇兼統湘資各營來江援剿，辛苦備嘗，戰功卓著。請以同知歸部儘先選用。候選知縣劉騰鴻，謀勇爲全軍之冠，請以直隸州歸於江西補用，並請賞加勇號。其餘出力員弁，仰懇鴻恩，容臣等擇尤開單保獎，以昭激勵。所有湖北援軍已至瑞州，並派江軍赴瑞會合，疊獲勝仗，各緣由，恭摺由驛馳奏，伏乞 皇上聖鑒訓示，施行謹奏。

攻剿撫州疊獲勝仗摺

（咸豐六年八月初七日）

奏爲六月十二日至七月十三日，官兵攻剿撫州疊獲勝仗，恭摺具奏，仰祈聖鑒事。竊官軍攻剿撫州六月十二日以前，疊獲

勝仗，業經臣等會奏在案。嗣據李元度會同林源恩陸續稟報：六月十四日楚軍擬於西南城根隄下築一新壘，以絕賊蹤而挖隄道，以爲轟城之計。賊併力來爭，我軍抵陣而鋒殺賊四十餘名，殺黃旗賊目十一名。隄上之賊復經江軍轟斃數十名。十六日五鼓，賊由文昌橋渡河，趨正覺寺。江軍派隊過河迎擊，賊忽分股直撲老營，又分股在楚軍對岸隄上挑戰。我軍分路迎剿，並乘勢夾攻，斃斃數十名，賊退復追斬七名。二十日，楚軍定計仍於西南城隄上潛築新營，以便再掘隄道。夫役衆多，四更工竣。次日黎明賊出城來爭，我軍豫安大礮八尊於新營之內，先出數十人擲戰，佯敗誘至牆邊，開礮轟斃三四十名。各營併力衝擊，追至城根。忽值狂風暴雨，遂各收隊。中有數十悍賊，衝風冒雨來撲新營，復被劉長坤等轟退。是日共計刃賊四十餘名，斃斃四十餘名，鎗傷尤多。二十二日賊復來犯新壘，各營飛馳應援，刃賊三名，斃斃二十餘名。賊遂敗退。二十四日五更，賊復向新營大呼圍撲，營內靜守不動。迨各勇馳赴一齊奮追，斃賊十餘名。其分股牽制江軍者，出清風門沿隄來撲，復被斬獲二十餘名。此六月十四日至二十四日攻剿屢勝之實在情形也。七月初一日，探報：偽蜀貴丈黃玉岷僞承宣黃士福等，由臨江經崇仁，統賊七千餘人，冀圖與郡城悍賊內外交攻，猛撲我軍老營。然後併力以西禦兩湖來援之師。是夕至上頓渡民房打館。我軍定議於初二日五鼓，派隊馳剿。逆黨四千餘人已於四更時潛伏卡外。我軍行抵該處，賊分三路包來，黃旗

徧野，勢甚洶洶。周岐山胡德瑄鄧國祥從左路鈔出賊後，彭大壽策馬涉水，衝賊之右。耿光宣吳齊源夾攻中路，斃賊二百餘人。賊遂奔潰。經周岐山彭大壽等怒馬窮追，沿途殺斃二百餘名。黃玉岷僅以身免，緣呢大轎，拋棄沙洲。當各軍乘勝追迫之時，城內突出二千餘賊，以數百人犯江軍，以數百人犯掘隄之新壘，以千人犯楚軍之中營。其犯中營者，復分三路直薄漢邊。經丁峻鍾朝輔黃兆麟等協力鏖戰，斃賊數十名。其犯新壘者，經劉長坤督勇出營，立取大旗賊之首級，賊遂氣奪而奔。復被斬獲多名。其犯江軍者，由隄上包右軍鈔營盤，經呂克生雷福堯等堵擊，被斃數十名而退。是日自卯至午，鏖戰四時，計共殺賊五六百名，裹尸十餘里。殺偽官數名，生擒十四名，奪獲黃旗黃徽黃帽黃馬褂多件，軍器數百件。此初二日大破援賊之實在情形也。是夜逆黨仍聚上頓渡。次日，我軍派隊再往城中，賊黨窺營內空虛，傾城出犯。以兩支撲新壘，兩支撲楚軍之中營，兩支撲江軍營。經我軍分投迎擊，衆礮齊發，路尸徧地。維時進剿上頓渡之軍，業已列陣市門，該逆紛紛過河避遁。我軍亦即收隊。初五日，賊分數支出犯江楚二軍，而其撲新壘者尤悍。炎天燄熱，不便連開，我軍更帶轟擊計斃四五十名。每斃一人，新賊聞然遽退。老賊持矛督後，兇狠異常。我軍用大隊衝之，斬十餘名，賊遂退去。是夜五鼓，我軍派隊埋伏民房，賊黨出城拒戰。李督發呂克生耿光宣等中路誘之，伏兵從旁鈔出，鎗斃轟斃甚夥。賊遂竄竄入城。初六夜，賊出百餘人，來襲新壘，火